

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TANO

KIKAO CHA AROBAINI

31 MEI, 2019



ORODHA YA SHUGHULI ZA LEO

MKUTANO WA KUMI NA TANO

KIKAO CHA AROBAINI – TAREHE 31 MEI, 2019

I. DUA:

II. HATI ZA KUWASILISHA MEZANI:

WAZIRI WA ARDHI, NYUMBA NA MAENDELEO YA MAKAZI:

Hotuba ya Makadirio ya Mapato na Matumizi ya Wizara ya Ardhi, Nyumba na Maendeleo ya Makazi kwa Mwaka wa Fedha 2019/2020.

MWENYEKITI WA KAMATI YA ARDHI, MALIASILI NA UTALII:

Taarifa ya Kamati ya Ardhi, Maliasili na Utalii kuhusu utekelezaji wa majukumu ya Wizara ya Ardhi, Nyumba na Maendeleo ya Makazi kwa Mwaka wa Fedha 2018/2019 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2019/2020.

MSEMAJI MKUU WA KAMBI RASMI YA UPINZANI BUNGENI KUHUSU WIZARA YA ARDHI, NYUMBA NA MAENDELEO YA MAKAZI:

Taarifa ya Msemaji Mkuu wa Kambi Rasmi ya Upinzani Bungeni juu ya Makadirio ya Mapato na Matumizi ya Wizara ya Ardhi, Nyumba na Maendeleo ya Makazi kwa Mwaka wa Fedha 2019/2020.

III. MASWALI:

OFISI YA WAZIRI MKUU:

330. MHESHIMIWA ESTHER MICHAEL MMASI (VITI MAALUM):

Atamuuliza Mheshimiwa Waziri Mkuu:-
Kutokana na kutimizwa kwa masharti na matakwa ya Kisheria ya kutangaza Mkoa wa Dodoma kuwa Makao Makuu ya Nchi ni dhahiri imevutia wadau wengi wa uwekezaji katika nyanja mbalimbali za kiuchumi:-

Je, Serikali ina mkakati gani wa kulinda ajira zisizo rasmi kwa Vijana wahitimu Tanzania hasa wa Mkoa wa Dodoma.

OFISI YA RAIS (TAMISEMI):

331. MHESHIMIWA MASHIMBA MASHAURI NDAKI (MASWA MAGHARIBI):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kuhakikisha kuwa katika kila Shule ya Msingi au ya Sekondari kunakuwa na Walimu wa Kike kwa ajili ya kuwasaidia Wanafunzi wa Kike hasa katika masuala yanayohusiana na hedhi salama.

332. MHESHIMIWA CONCHESTA LEONCE RWAMLAZA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Shule za Watoto wenye mahitaji maalum hupokea Wanafunzi wenye matatizo mbalimbali kama vile Ulemavu wa Viungo, Viziwi, uoni hafifu na wenye Ualbino; lakini baadhi ya Wazazi wamekuwa wakiwatelekeza Watoto wao wakishawapeleka kwenye Shule hizo:-

(a) Je, ni kwa nini Serikali haitoi fedha za kutosha kwa Shule hizo ili ziweze kuhimili mahitaji ya Watoto hao;

(b) Je, ni kwa nini Serikali inaziachia majukumu Halmashauri kuendesha Shule hizo wakati zinapokea Wanafunzi kutoka nje ya Mkoa.

WIZARA YA HABARI, UTAMADUNI, SANAA NA MICHEZO:

333. MHESHIMIWA YUSSUF HAJI KHAMIS (NUNGWI):

Atamuuliza Mheshimiwa Waziri wa Habari, Utamaduni, Sanaa na Michezo:- Upimaji wa afya za Wanamichezo ni jambo muhimu kwa ajili ya kulinda na kuhakikisha afya zao kabla ya kushiriki michezoni kwani kumekuwa na matokeo mbalimbali ya Wanamichezo kupoteza maisha wakiwa uwanjani. Mathalani, Ismael Mrisho wa Timu ya Mbao FC, Marc Vivien Foe wa Cameroon na Cheikh Tiote wa Ivory Coast.

Je, Serikali kupitia Vyama vya Michezo vimeweka utaratibu gani kuhakikisha upimaji wa afya za Wanamichezo ni jambo linalopewa kipaumbele.

WIZARA YA KILIMO:

334. MHESHIMIWA JASSON SAMSON RWEIKIZA (BUKOBA VIJINI):

Atamuuliza Mheshimiwa Waziri wa Kilimo:- Ugonjwa wa Mnyauko wa Migomba umekuwa tatizo kubwa na la muda mrefu na umewaathiri Wakulima wa Migomba Mkoani Kagera:-

Je, ni kwa nini Serikali haichukui hatua za makusudi za kupambana na ugonjwa huo na kuutokomeza kabisa.

WIZARA YA MALIASILI NA UTALII:

335. MHESHIMIWA PASCAL YOHANA HAONGA (MBOZI):

Atamuuliza Mheshimiwa Waziri wa Maliasili na Utalii:- Wilaya ya Mbozi ina Vivutio vingi sana vya Utalii, baadhi yake ni Kimondo kilichopo Kijiji cha Ndolezi Kata ya Mlangali, Maji Moto na Mapango ya Popo katika Kata ya Nanyara lakini baadhi ya Vivutio hivyo hasa Maji Moto na Mapango ya Popo havitambuliwi na havipo hata kwenye orodha ya kumbukumbu za Serikali:-

(a) Je, ni lini Serikali itavitambua rasmi Vivutio hivyo;

(b) Je, Kivutio cha Kimondo kimeingiza Shilingi ngapi kwenye Halmashauri ya Mbozi na Serikali kuu tangu kigunduliwe.

WIZARA YA VIWANDA NA BIASHARA:

336. MHESHIMIWA HASSAN ELIAS MASALA (NACHINGWEA):

Atamuuliza Mheshimiwa Waziri wa Viwanda na Biashara:- Kwa muda mrefu sasa soko la zao la Mbaazi limekuwa likisuasua:-

Je, nini mpango wa Serikali katika kukwamua Wakulima wa Mbaazi nchini.

WIZARA YA AFYA, MAENDELEO YA JAMII, JINSIA, WAZEE NA WATOTO:

337. MHESHIMIWA AMINA NASSORO MAKILAGI (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Wanawake 24 hufariki kila siku wakati wa kujifungua nchini:-

Je, Serikali ina mkakati gani wa kunusuru vifo vya Wanawake wakati wa kujifungua.

IV. HOJA ZA SERIKALI:

WAZIRI WA ARDHI, NYUMBA NA MAENDELEO YA MAKAZI:

Kwamba, Bunge sasa likubali kupitisha Makadirio ya Mapato na Matumizi ya Wizara ya Ardhi, Nyumba na Maendeleo ya Makazi kwa Mwaka wa Fedha 2019/2020.

DODOMA
31 MEI, 2019

S. KAGAIGAI
KATIBU WA BUNGE

